

涑水縣志

健堂題





美玉在璞明珠在櫝非不寶貴也顧世或弗知知矣
 或弗好則碲碲等耳魚目等耳同是人也而一國倚
 之一家託之一鄉化之且相與私之爭之以為吾里
 中人者何哉母亦有所繫而不可無與鬚眉能活巾
 幘能香千載下如或遇之作人物志

舊志

實行

周

郭隗燕人也燕昭王當齊破燕後卑身厚幣以招賢者謂隗曰孤知燕小不足以報齊誠得賢士共圖以雪先王之恥孤之願也先生視可者身事之隗曰王必欲置士先從隗始况賢於隗者豈遠千里哉昭王爲隗築官以師事焉樂毅自魏往鄒衍自齊往劇辛自趙往士爭赴燕

入幾輔通志名臣

按廣輿記載隗於保定時涑水隸保涑產即保產無足異也其塚在縣屬東十里隗家莊下馬禁樵

涑水縣志

卷七

實行

二

至今人重明德焉而以字爲姓隗辨而下詩書之澤代不乏人乃查本州志亦行攬入何也賢哲之生確有其地郡邑旣分義必明於專屬隗爲涑產班班可考故特表爲人物之首唯戰國時尚未置縣統爲燕地通志仍繫以燕人是矣舊志稱涑水殊覺混舉今從史改之

三國魏

祖武范陽人晉王椽上谷太守逖之父也

晉

祖納字士言逖之兄有操守能清言文義可觀性至

孝少孤貧自炊以養母平北將軍王敦辟爲從事
中郎轉尚書三公郎遷太子中庶子後爲中護軍
太子詹事封晉昌公以洛下亂乃避地東南元帝
作相引爲軍諮祭酒後因故閒居但清談披閱文
史而已時梅陶及鍾雅數說餘事納輒因之因曰
君汝穎之士利如錐我幽冀之士鈍如槌持我鈍
槌捶君利錐皆當摧矣陶雅並稱有神錐不可得
捶納曰假有神錐必有神槌雅無以對

祖逖字士雅范陽道人也元帝時爲豫州刺史入畿
輔通志名臣本傳載藝文

涑水縣志

卷七

實行

三

盧景裕字仲孺少聰敏專經爲學居拒馬河一老婢
作食不以妻子隨後又避地太甯山不營世事居
無二業唯務研經其叔父同官俱顯要而景裕終
園野守道自得世號居士節閔初除國子監博士
參議甚見親遇雖居官不廢講學所注易大行於
世兼通釋典天竺國沙門道惔嘗請爲諸經論序

南北朝

劉宋

祖沖之字文遠適人精文史工制度尤善星厯孝武
大明七年由南徐州從事史上言何承天元嘉厯

疏舛辨論甚悉帝令善厯者難之不能屈使值華
林學省賜宅宇時有北人索取麟者能造指南車
詔與沖之各造於樂遊苑中校試取麟法差晉杜
預造欹器不成沖之復造與周廟不異又制木牛
流馬盡得武侯機法造千里船於新亭試之日行
百餘里神思敏警靡不該通會宋主殂不竟其用
所著有論語孝經註易老莊釋義具本傳子暉之
孫皓

梁

祖暉之字景爍沖之子少保家業究極精微有巧思

涑水縣志

卷七

實行

四

入神之妙當其詣微之時雷霆不能入嘗行遇僕
射徐勉以頭觸之勉呼乃悟父所改何承天厯時
尙未行梁天監初暉之更修之於是始行焉位至
太府卿

祖皓暉之子志節慷慨有文武才少傳家業善算厯
大同中爲江都令拜廣陵太守侯景陷臺城皓間
行走江西百姓感遺惠匿之廣陵人來窺告皓曰
逆豎滔天王室如燬正義夫發憤之秋君世荷國
恩逃竄草間危如累棊董紹先雖景腹心輕而無
謀况新克此州人情不附襲而破之一壯士力耳

如其克捷百代之下猶爲梁室忠臣皓曰僕所願也乃起兵廣陵糾勇士耿光等於簡文大寶元年誅紹先結束魏爲援馳檄討景景懼卽日率侯鑒等攻之城破見執被縛箭射遍體車裂以殉兄弟

子姓遇害者十六人

載畿輔通志忠節

元魏

祖敏范陽道人仕北燕爲平原太守太武平燕賜爵

固安子尙書左丞

祖疑敏子位馮翊太守襲爵固安子以從征平原有

功進爵爲侯

涑水縣志

卷七

實行

五

祖季真適人多識前言往行位中書侍郎鉅鹿太守

有治聲

祖瑩字元珍季真子也年八歲能誦詩書十二爲中

書學生好學耽書以夜繼晝父母恐其成疾禁之

不能止嘗密於灰中藏火驅逐僮僕候父母寢後

燃火讀書以衣被塞窗戶恐漏光明爲家人所覺

由是聲譽甚盛內外親屬呼爲聖小兒瑩與陳郡

袁翻齊名時人爲之語曰京師楚楚袁與祖洛中

翩翩祖與袁尙書令王肅曾於省中詠悲平城詩

曰悲平城驅馬入雲中陰山常晦雪荒松無罷風

彭城王勰甚嗟其美欲使肅更詠乃失語云王公吟詠聲律殊佳可便爲誦悲彭城詩肅因戲勰云何意悲平城爲悲彭城也勰有慚色瑩在座旣云所有悲彭城王公自未見耳肅云可爲誦之瑩應聲云悲彭城楚歌四面起屍積石梁亭血流睢河裏肅甚嗟賞之勰大悅退謂瑩曰郎定是神口今日若不得卿幾爲吳子所屈累官冀州鎮東府長史遷國子祭酒領給事黃門侍郎幽州大中正監起居事參議律厯賜爵容城縣子以功遷儀同三司進爵爲伯薨賜尙書左僕射司徒公冀州刺史

瑩以文學見重常語人云文章須自出機杼成一家風骨何能共人同生活也性爽俠有氣節士有窮厄歸之必見存拯時亦以此多之有文集行於世

北齊

祖珽字孝徵瑩子神情機警詞藻適逸少馳令譽爲世所推起京秘書郎對策高等爲尙書儀曹郎中嘗爲冀州刺史爲齊神武所知

祖君信珽子涉獵書史多諳雜藝位兼通直散騎常侍中書侍郎

祖君彥斑子容貌短小言詞滯澁少有才學隋大業中位至東平郡書佐郡

祖孝隱斑弟亦有文學早知名機警有辨兼解音律魏末爲散騎常侍物議稱美

祖崇儒斑族弟博學有辭藻以幹局知名武平末司州別駕通直常侍入周爲容昌郡守隋開皇初終宕州長史

金

胥持國字秉鈞自幼穎悟九歲中經童累任顯宦謀畫軍功撫綏民業政事卓然可觀官至通奉大夫

涑水縣志

卷七

實行

七

樞密副使上柱國瑯琊郡開國公

李宗源少穎悟才識卓越善屬文舉經義第入仕厲飲冰酌水之操累遷大夫蒲城伯二子長卓延安路鄜州第一正將次革忠武雄州稅監事

元

盧應字天祥世爲范陽人自曾祖涉居涑陽遂爲涑人范陽之裔也自幼言動嚴重不喜嬉戲少長頗涉經史尤精法律由四川掾累遷易州同知兼西南路招撫使懷遠大將軍遂陞易州刺史兼職仍舊後寵加榮祿大夫領都元帥金吾衛大將軍

盧珪居士村人應之孫也以文學試用授廣甯府通判立心端謹慷慨有爲吏民信服

趙柔有膽畧善騎射好施予金末避兵西山柵險以保鄉井元太祖破紫荆關以眾歸授涿易二州長官後羣盜並起柔單騎說降之以功累遷眞定等

路都元帥卒追封天水郡公

入畿輔通志人物

隗辨字仲通泰和癸亥進士海內兵興從事張柔幕下贊畫有方仁厚及物兵餘疫氣方熾躬饋藥餌於親舊之門竟亦無恙累遷定遠大將軍行安撫使事子惟德順天路轉運司經歷

涑水縣志

卷七

實行

八

按二盧趙隗俱以金人入仕元舊志係之金非也
不得因泰和年號而疑之

趙守斌大德間以明經舉大都路總管修築城隍訓練兵甲陞北京按察司副使

按通鑑編年元以始興地爲上都北京爲大都大德係元成宗改元年號查南北宋併無此年與地舊志訛傳今正之

邢政字直卿永和社人少以孝聞負經濟才仕元擢奉議大夫軍民匠都總管稱職太皇太后賜白金百兩錦衣一襲四遷至中議大夫署刑部侍郎年

六十歸老進嘉議大夫中書禮部尚書手書十誠
號錦里散人子用中蔭補官至奉議大夫中尚監
大使廉能端慎有父風

王彥彰累官至餘姚州知州至誠篤實不妄言笑歷
官最久在在有聲其父彫成得追贈爲聖州知州
蔭子遺大亦任知州一門顯耀光照閭里

董資建涑水人仕元忠鯁立朝負將畧數典軍旅號
令嚴肅遇敵則身先士卒故所向克捷以功薦擢
明威大將軍都總領提控

明

涑水縣志

卷七

實行

九

張彝少以孝行見稱洪武中第進士授慶府左長史
嘗曰相道以賈董爲宗師庶幾無愧人以爲至言
李德成興賢社人洪武間以孝廉爲大官署丞歷官

陝西左布政使本傳載藝文

入祀鄉賢

曹思忠樂平社人洪武間以人才任兵科給事中數
言時事得失補過拾遺有裨政理

丁慶台頭社人好讀書勇於爲義洪武間以人才任
浙江道御史彈劾不避權貴風紀肅然時論重之
張槩彝之子有俊才宣德二年馬愉榜進士授兵部
主事復以鵬貴與父彝贈如鵬職

張鵬彝之孫渠之子由進士歷官兵部尚書加宮保
謚懿簡祀鄉賢本傳載藝文

王整成化間貢士陝西西安府通判家世業儒整持
身不苟鄉閭推重恪守官箴臨民慈愛不賄權要
致仕歸

鄭紳郭下人由進士正德間授戶部主事時稱廉明
歷陞鴻臚寺卿晉通政使侍經筵朝廷有興作敕
匠事裁抑煩費任怨職勞數受賜賚封廕歷工部
尚書掌通政使事

祀鄉賢入畿
輔通志政事

張傑瓦宅人領正德鄉薦除授河南懷慶府推官修

涑水縣志

卷七

實行

十

武縣有程理者收糧未封被殺伏尸文廟西廡下
居民遭詰捕之擾巡按屬公推勘得其本里民壯
姬清住學對門程死之夜清與飲酒同宿情實可
疑百訊不伏以計獲賊而獄始成巡按嘉獎居民
勒石紀其事陞汝甯同知署光州篆裁抑奸蠹修
舉廢弛有官塘二方出菱藕魚鮮等物利盡入官
公廉其利可充厲祭鄉飲之費遂減其賦均平驛
傳貴戚咸服任滿赴部士民焚香攀留吏部題奉
敕給誥命奉政大夫

祀鄉
賢

閻志學白堡人中正德鄉薦南京鎮江丹陽縣教諭

陞河南衛輝府教授兩典文衡多得名士正服鬼神除妖厲以安民德被鄉閭化盜賊而善俗
蔡雲永和人少游鄉校積學力行以禮義自持正德中充貢任遼東廣甯衛教授振舉教法克著師模
遼人不善耕種移木土農器令效爲之至今田穀
豐登

張鈇赤土人由歲貢任廣西梧州府照磨律已嚴正不近女色事繼母甚孝因貧而仕賄賂不通

梁濟龍安人由貢任遼東復州訓導歷陞至陝西秦府紀善在學日每得膳廩必薦先奉親而後食有

涑水縣志

卷七

實行

十一

兄淮名次後已當薦讓兄先督學公云今之夷齊
也有人饋贈輒不受三仕之久未嘗置生業焉

李廷陳嘉靖己酉鄉薦任萬泉知縣歷解州知州持
重端謹嗜義樂施文詞爾雅純正捐貲重修先師
廟改建啟聖祠兩值歲荒戚屬賴以舉火者十餘
家疫作則施藥餌以蘇疴羸平生足迹不入公門
郡大夫兩表其閭一曰鳳翔千仞一曰敦義右文

祀鄉
賢

王沼萬歷年間選貢任山東兗州府通判精練吏事
助郡爲理不受饋遺廉能著聲任五載以病致事

盧自立性聰穎作文日數十首如宿構舉於鄉初仕五河令潔己愛民不畏權貴優敕遷慶陽府同知地當寇衝練丁壯廣貯蓄繕城堡嚴禦防寇不敢犯陞知府以積勞成疾未赴卒

王義河鄉人孝弟節儉嘗赴縣見路遺絹囊實中統鈔二十錠守而弗去遺物者至卽全付焉又嘗行桑間聞盜葉聲慮爲盜者羞斂身退明日盜媿謝及沒鄉人立碑頌之

郟景初永和人慷慨有爲比縣屬寄養馬一千五百匹民力不堪謀之鄭公紳奏減其半至今民受其

賜

李景環龍泉社人輕財尚義勤儉成家遇歲荒見鄉人田野無收罄散所儲以貸之

張麟永安社人幼業孝經以親老不仕事繼母得其歡心傾產理兄冤獄士大夫識與不識咸稱涑水張先生焉

李璋木井社人字公佩好學念親老無資遠服賈以養之兄琮已析居被誣廢產無以自存璋婉勸復合孝友敦篤鄉人咸以爲難

陳道瀛涑水人嘉靖間南京禮部尚書明史有傳

國朝

劉廷訓字大復聰明過人事親以孝順治丙戌科進士授山東臨淄令本傳載藝文

呂文斗邑庠生母早逝父鰥病不痊斗割左股肉調羹以進病立起闔縣稱其孝行督學旌表

張得官白堡社人 國初移居新城縣界父病醫藥罔效聞古有割股愈親者因暗割臂肉以進父病隨愈時方耩種父命拽砘刀口掙開血流如注里人呈於官知新城縣江以朴誠愚孝旌之

趙宇祺衛國楨馬致遠等因已故張三綱於守備任

涑水縣志

卷七

實行

十三

內侵糧銀六百三十餘兩產盡變不能償妻子例應流倡義代完三綱舉家得援免人推爲盛德

冀希顏瓦宅社民營什一於市值西關集有劉進明者爲子婚揭金十兩遇媒妁約於希顏鋪中議之出銀爲信仍收入囊赴集買食物而歸行至五里鋪則銀已失怏怏欲死時集散之明者希顏子也見車轍泥瀟中露白紙一片卽是進明所失者希顏令子馳送其家進明銜謝得不死且爲其子畢婚事焉

王前字敬齋邑歲貢生力學安貧動遵禮法少孤事

祖父備極色養祖歿撤屋材以襄葬事冬月單衣
讀書月下不妄有千求累舉不第家居教授生徒
不責修脯與里門童稚相接恆勉以孝友大節
趙溥邑歲貢生少貧夔勤儉成家人有過輒婉言規
勸每歲暮出粟麥以濟貧窮村民賴之

趙深邑監生性慷慨重然諾每歲底出粟麥以濟貧
困村民深德之至今子若孫踵行不廢

王運新字符三王前子天姿醇篤學問淵博生平守
正不阿大有父風領壬午鄉薦 國朝科名自運
新首舉焉

劉瑄康熙乙酉舉人性聰穎善屬文詩藝俱工有司
愛其才恆加禮遇

王嘉謨邑武庠南門外開設錢局一日晚有二人買
錢去忽燈下檢得銀包一封遂在櫃守候適前二
人喧於街不休謨詢之卽遺銀包者以原封給之
二人謝而歸

董普哥城南司徒村人目不知書性至孝尋父京師
不遇泣而歸鬻餅餌奉母五十年如一日邑孝廉
劉瑄爲長篇歌其事載藝文

張奉先南郭下人家貧冬月早起爲父御車到縣有

飛車超越而過遺一捆奉先急呼還之則錢十五千也飛車者願平分不肯送二千亦不受嘆息致謝而去

董士粹木井社人康熙二十二年有鄰人任姓者迫於官錢鬻女富家其妻不忍舍泣甚慘粹聞而憐之棄地得值爲贖其女不責償後女長成適郭氏夫婦感粹德歲時過從如至戚焉迨粹歿夫婦爲置主奉祀

方國璽字君玉正白旗人輕財好義有借貸不能償者輒焚其券設義塚修渡船施棺施粥靡善不舉

涑水縣志

卷七

實行

十五

雍正十二年涑民王善增等逋官錢六百元日受追扑璽憐其狀慨爲完項後士民公請旌其門其孫體浴體泰體恭體祖等官皆至監司太守主政趙松齡溥子邑廩貢乾隆二年春夏旱民困甚齡出粟二百餘石沽之踵行三年以甦民困有司上其事褒獎有加

方鑑國璽長子乾隆二年春旱捐穀五百石賑饑各憲以好義可風旌之乾隆七八兩年天河二府災民逃於涑鑑又同弟輩煮粥捐衣活人甚眾金可仕鑲藍旗人重道義矜氣節雍正十年施地五

十四畝爲士莊義學膏火詳記縣檔又設義塾於縣西之永陽延師訓課鄰村子弟多賴之

冀榮先字子耀性孝友苦志力學爲文章錚錚有聲以廩生補明經嘗有人盜伐其樹家人獲之將送之官榮先曰我已受其值矣又有強耕其地者問之其人曰此我家產爲某佔某暴橫我不敢校今歸汝汝當還我也榮先笑而與之家蓄蜂數十困或夜踰牆負以去至再四家人將捕之榮先曰安用留此致人負賊名盡放之子循庠生好施予排難解紛鄉里倚重壬午修北城循以眾推督其役

經理得宜後因南門高北門低風水所關議鼎建高樓以稱之循卽購材於涿輦石於房不辭况瘁以成善舉

劉緒久字世縣晚年號無思山人官江西廬陵丞未四十卽掛冠歸本傳載藝文

耿培基字作天家貧力學爲人傭磨且磨且讀鄉先生爭器之爲講貫舉子業遂大進事母能色養講學南關十九年賓主如一日生平無疾言忤色舉優行生晚補明經以病廢依其妻兄之子李生元弼元弼性聰穎能讀書善詩文培基之力也培基

沒無以爲喪李生經紀之

劉韶西關居民也目不接詩書然言行皆有禮法收族養老家貧而力於義所居有棗數株歲收其入忽伐去或問之曰惡其枝穿鄰壁且恐竊食者攀援致傷耳識者以爲有隱德

以上乾隆舊志

張廣泗漢軍旗人舊居縣北關後徙居縣東下莊村

康熙年間平定新疆開闢滇黔苗疆歷著大功

晉封輕車都尉名臣傳中有傳

陳佩和嶺東村武生性至孝常聞鹿山之崖有神靈

應道光二十七年母病往禱里人僉以崖深路險

涑水縣志

卷七

實行

十七

沮之佩和曰吾誠心祈禱何畏焉將及崖巔失足墜而死族人聞其事於學博以愚孝堪矜四字額其門

岳金玉白澗社三甲民人也目不識丁身能盡孝父名錡半身不遂母氏李雙目失明金玉左扶右持盡心竭力孝養之誠鄰鄉共見迄今猶稱道之趙煌字仲昭歲貢生儀質端方經學尤邃著有古文詩集清真簡樸遠絕塵囂更以善書名所書碑記尤多

趙颺言字賡堂廩貢生七歲而孤性純孝好施與與

方體潔等起文昌會捐置祭田供祀事創修帝君
三代祠又立看青會仿古井田遺法守望相助條
約綦嚴遠近村里咸取法焉

趙鋈字鑑軒拔貢生輕財好義篤於朋友嘉慶丙辰
赴省試路出安肅見有覆種於野者婦挽於前翁
扶於後備極艱苦公脫驂代之耕且給其經費不
告姓名而去是年遂入泮嘗赴京買物店夥短收
其值已爲東人辭覆矣鋈聞之照數補銀並爲緩
頰其人得復歸肆道光辛巳眾議舉孝廉方正鋈
曰此四字反言之則不可爲人正言之則雖聖賢
亦有不自信者吾敢以薦舉作仕宦之捷徑乎
固辭之著有且宜軒文稿梓行

趙文涵字海門道光壬午科舉人性情豪爽學問湛
深歷任鐵嶺清豐武邑等縣訓導宦游所至輒有
聲績生平著述甚多有春秋四傳合訂毋憚改齋
詩文稿知非子年譜捫蝨叢話燹餘筆錄日記瑣
言尤工醫全活者難指屈焉

趙文沂字津門副貢生工文善書孝友聞鄉里親歿
後絕意進取眾欲舉孝廉方正文沂曰此先人之
所辭也吾何敢當固卻之著有詩文集

趙文源字子泉拔貢生咸豐辛亥 恩科舉人磊落
有大志讀書屬文不假攻苦輒能工事嗣母以孝
聞咸豐末年桑閣學春榮辦畿輔團練文源與焉
生平著作隨得隨棄家無藏稿

劉澍榕字蔭阡統淑長子由 恩貢選南皮教諭性
直爽不諱已過人有過必嚴詞面折不少貸改則
獎勸之尤樂成人之美卒後邑人思之

方恆祿字粟航道光壬午科舉人生而孝友樂善好
施由內務府筆貼式歷充 玉牒館國史館謄錄
官迭邀議敘選授江西金谿縣知縣履任半載以

親老引疾終養親歿坐選原缺民喜其再至計前
後涖任四載凡戢暴安良諸大政罔不舉循聲播
江右嗣以直隸州知州分發山西署隰州篆承上
接下推誠布公鑒屬邑清苦常例節壽各規絲毫
不受旋攬足疾解組歸卒年七十有三
方恆瑞字輯五正白旗漢軍貢生恆祿之弟也由內
務府慎刑司筆帖式歷保至知府加道銜宦迹所
至民皆爲立去思碑迨請咨回旗杜門養疴絕意
仕進性孝友與兩兄一弟析居後共爨如初族戚
中才堪造就者解囊爲之援例登仕籍者纍纍也

涑城南北譙樓年久傾圮恆瑞於道光二十四年經營修造輪奐一新值蝗災捐米督捕無遺力施藥濟困歲以爲常士民深德之卒年六十有三楊文治永安社人一日由易州歸家昏夜於途中拾一褥套內有衣物銀兩越數日失主尋覓文治卽將原物付之酬之不受

劉凝瑞濡河新莊武生與同宗毓祥各捐倉穀六百石邑令均獎以匾額

楊尙禮安陽村人性至孝父久病思魚隆冬冰結不能得尙禮臨水哭晝夜不絕聲忽有老人持生鯉

涑水縣志

卷七

實行

二十

以贈乃大喜須臾失老人所在持鯉歸烹以進父病尋愈

聞紹南郭下村人歲貢生言笑不苟潛心理學家居教子弟一以聖賢爲法卒年八十有一

聞鈺字其相增廣生南郭下村人通醫術常施藥以療人疾雖危診治罔不效人謂扁鵲復生焉或送以匾酬以金皆固辭不受

劉作福木井社人家貧爲人傭工有遠族叔母在京病故貧無以棺殮作福出資任其事送其柩歸葬其夫不知也人皆以爲厚德

宋燦瓦宅村人忠厚持家親見五世孫現年七十有八元孫二長六歲次三歲人以爲家慶

閻步武高樂村人嘗在村拾銀六百兩時失銀者行尙未遠急追回還之其人以重禮酬謝辭不受

劉漢珖字運隆南濡河村人家貧授徒爲業一生正直婦孺皆欽服之道光十二年歲大旱村民騷動運隆以大義喻之勸富戶賑給村中獲安年八十八無疾而終

田雯芳栗村人爲人中正和平凡諸義舉皆以身倡率鄉里共推爲善人道光年間舉鄉耆卒年八十

孫士明字照臨邑附生言行有古人風道光中歲歉照臨捐米六十石邑令上其事 詔以九品議敘村人朱紹閔拾遺金不昧照臨如其所拾以與之自是每逢朱匱乏不待告輒加周卹迨朱歿舊有典與照臨地七畝照臨往哭奠焚券於靈前歸其田朱之兄名紹曾者感其義攜姪踵謝並 旌其門曰惠我無疆又於每歲農隙設瓜果延鄉之父老子弟或講孝經以啟其蒙或講 聖諭以廣其識老幼莫不樂聽焉咸豐中隨邑令捕蝗禾稼保全者甚眾邑令 旌其門曰桑梓克恭禁本村與

下莊人賭多方勸勉數十年來兩村竟無賭者
李堃聶村人母年六十二病危醫藥罔效堃潛禱於
神割股肉合湯進母病立愈鄉黨稱孝焉

羅凌雲字碧亭房山諸生年十四隨父徙涑之南關
家焉爲人和平寬厚與世無爭入泮後舌 爲業
弟子中賢而貧者飲食教誨之生平不貪緣官吏
且常以三知自戒因號三知子

方喬年漢軍正白旗人恆瑞子賦性聰明持身正直
尤篤孝行少 隨任甘肅正甯等縣襄理一切措
置裕如後由城工保舉別駕並提舉銜選授河南

汝甯府通判以道遠不克迎養而父適患疾乃捐
陞同知需次原省得開缺不行父沒後母年垂老
卽一意養親無復出山之志每侍親疾親調湯藥
終身無間家世樂善好施念先人有未竟之事必
推廣行之濟困扶危善難枚舉人咸稱爲善於繼
述焉

趙曾標字建之文濂長子歲貢生聰敏工文詩有氣
節居鄉喜排紛難考取教習署滿城東鹿南和河
間府訓導懷安玉田東鹿長垣南樂教諭永平教
授選授河間縣訓導修葺學宮勸學課士所至有

聲辦河工保加五品銜初在籍倡修忠義節孝二祠捐資發商生息爲致祭歲修之費與同人規條籌畫涑陽書院經費久爲當事者所侵吞曾標不避嫌怨約公正諸紳釐而正之其急公類如此而自奉儉約治家以嚴肅稱卒年六十有四

趙曾棟字杏樓文濂三子咸豐己未恩科舉人生而蚤慧思慮過人淹貫經史工詩文性豪邁喜談兵同治壬戌隨父任肥鄉值賊匪竄縣境逼城下曾棟夜然香萬枝徧插城頭賊見火如星疑不敢逼又伏旗幟四門外爲疑兵以疑之如是者五晝

涑水縣志

卷七

實行

二十三

夜事平力辭保舉歸益專心於學凡天文地理醫卜星象等書靡不研究而於洋算東來法尤極究心造刻漏星球量天尺備極工巧主講安肅涿州易州書院循循善誘以教習知縣分發河南委辦讞局粥廠暨陝州釐務解縣衣至周家口辦賑撫事均克勤厥職代理孟縣知縣三月政簡刑清保加同知銜告假養親卒於家

閩節

明

李氏年二十歸白堡社魏增夫旋卒二子方在襁褓

呱呱而泣哀感鄉里氏操勵冰霜卒撫其子成立
成化六年有司奏旌其門

尹氏木井社于深妻夫疾欲迎醫無力惟號天願以
身代及夫卒家計益窘紡績爲生苦節四十餘年
成化中有司奏旌其門

桑氏張玠妻門有貞節坊惜其事實不傳然仰觀綽
楔至今嘆爲巾幗完人

王氏適聶村人龐佃時方十四歲越二年夫死無子
女誓不再適鍼紡度日至四十歲舉節賜坊銀五
十兩養濟銀百兩壽七十八歲

涑水縣志

卷七

閨節

二十四

國朝

冀氏隗好詩繼室也夫死誓不改適崇禎六年遭土
寇搶掠氏攜子鵬並夫元配子鶴鶚逃難山中遇
寇索銀物無應怒欲殺鶴及鶚氏哀告願以鵬代
寇問故氏曰此皆亡夫前妻子鵬則我所生也寇
義之釋去壽九十二尚能執女紅卒時元孫六人
里人咸以爲天鑒節義延其壽並繁其後云
隗氏許世登妻夫沒家無擔石一子瑩瑩饔飧不給
常數日不舉火或勸之嫁不從引刀斫其左手大
指以自矢卒能撫孤成人八十五歲而終

劉氏李大庫妻夫死未斂環尸而哭至夜縊尸傍以
殉

潘氏生員王庶楸妻崇禎九年楸爲亂兵所殺氏撫
尸痛哭厲聲罵賊身被數刃投諸井邑人救出抱
夫尸歸葬誓不再適無子女順事翁姑夫弟庶棟
以己子嗣之邑人公請 旌其門

王氏祖君榮妻性溫良節烈年二十爲嫠婦茹藥飲
冰金石不移親操井臼事翁姑以孝聞

張氏陳之新妻夫死遺腹生子名世功及世功生子
珂甫九歲世功亦歿其妻劉氏上事孀姑下撫藐

涑水縣志

卷七

閨節

二十五

孤以養以教珂旋補邑庠入太學珂子嵩年亦爲
庠生人以爲兩世節孝之報

郝氏生員張師孔妻以節著有司 奏請入祠

楊氏適董正官年二十五而孀守節至九十六歲而
卒有司 奏請入祠

侯氏胡狷介妻年十六歸胡十八夫歿無以資生惟
取給於女紅教子入泮其婦與二子俱死而其子
亦相繼歿侯氏困苦流離難以言狀有司 奏請
建坊 旌之

龔氏武生劉直妻二十六歲夫死與姑張氏相依守

節四十年

張氏傅永正妻年二十九而寡時方娠翁姑欲嫁之不從後產遺腹子艱難度日卒教其子入泮

劉氏于化鵬妻年二十夫死無子時翁姑俱老誓不改適以紡績供甘旨未嘗或缺後蓄義子貰豆腐以養老送終無怨言

尚氏監生陳璵妻年二十九夫死無子以兩姪嗣皆天氏持家政有條理內外無間言知縣王治以霜松雪柏額其門

婁氏山陰候選州同婁章之女年十七歸錢彥祥祥

涑水縣志

卷七

閨節

二十六

官宜興縣鍾溪司巡檢宦橐蕭然時姑老多病氏朝夕依榻前湯藥必親姑歿相夫成禮彥祥以哀毀繼卒子士然方七歲無以爲喪氏拮据盡禮躬紡績備歷艱辛後里人以符於例也謀欲旌其門氏聞之曰吾豈爲名哉但令藐孤成立卽未亡人報所天也事遂寢士然以明經貢國學純謹持重有古人風修南北城樓著有勞績人不惟高氏之節且服氏之教云

韓氏水東村民于得海妻年十九夫死苦節自守內外無間

馮氏劉致金妻年二十四夫死無子艱苦度日清節
終身

相氏田永興妻年二十九夫死艱難鞠子守節五十
餘年

張氏盧光明妻夫死遺孤四辛勤撫育一一成立長
子婦翟氏十七歲夫死以姪爲嗣次史氏年二十
七亦爲未亡人一門三節艱苦不渝

錢氏汪憲準妻年二十四夫亡無後撫姪爲嗣鍼黹
自給

王崇錫妻年十九夫死遺腹我子竭力撫養至成立

涑水縣志

卷七

閨節

二十七

又死僅遺二孫氏與子婦冀氏艱苦度日

楊氏祖有科妻二十四歲夫死誓不改適苦節四十
餘年

李氏胡七妻夫死遺一子未冠而夭婦王氏年纔十
七遺孤未周歲也姑婦相依數十年聞者憐而敬
之

張氏蕭士達妻夫死年二十無子撫其姪孝事翁姑
生養死葬悉準乎禮

申氏梁鴻燦妻夫亡家貧無子自刎以殉有司詳其
事於 上以節烈可嘉褒之

杜氏定興人年十四歸王明善不數月夫卒鍵戶自守年逾五十方與家人接見守節六十年

張氏山後白澗村人夫死無子時值饑饉衣食不繼備極艱苦守節四十餘年

王氏興賢社民劉傑妻年二十二夫亡子天祥尚幼困苦備嘗誓不再適卒年八十餘歲

王氏木井村民劉得理妻年二十五夫亡子邦泰邦甯俱幼氏上事翁姑下撫二子人以爲難卒年七十餘歲

廖氏木井村民劉得珍妻年二十七夫亡家貧力撫

涑水縣志

卷七

閨節

二十八

其子列膠庠

王氏鑲藍旗金可朝妻二十二歲于歸甫一年夫死無子撫姪爲嗣勤儉持家禮義自飭

陳氏正紅旗孟成祥妻住車廠村夫死無子又無族屬主人百法凌辱欲行強配氏持刀自刎者數四鄰人哀之爲從容進說其主亦尋悔給田十畝守節四十年而終

胡氏旗人杜國宗妻二十九歲夫死貧寒度日撫養二子成人

王氏杜國良妻夫死無子依姪度日

孫氏婁村民蘭應祿妻節孝貞烈巾幗完人本傳載

藝文

翟氏歸傅衛村民盧繼忠忠死氏矢志柏舟克全孝

道撫姪爲子教養有法補縣庠生乾隆二十年知

縣程士數請 旌

劉氏城西民楊振文妻節孝著聞撫遺孤成立乾隆

二十二年知縣方立經請 旌

李氏盧國用妻年二十一夫亡其子煥生纔十有二

日以養以教後列邑庠學使莊公以柏舟矢志四

字 旌其門

涑水縣志

卷七

閨節

二十九

李氏趙各莊儒童張學孔妻年十九而寡逾三月遺

腹生子飲血撫孤貧苦萬狀守節五十餘年

張氏檀山村民紀顯宗妻年十九而寡矢志靡他志事

翁姑以孝聞教子成立邑人士爲請於學使少宗

伯金公顏其門曰志盟金石

馬氏王村旗人王化妻年十九夫亡守節數十年如

一曰

柳氏曹家莊民劉經妻夫亡守節四十年貞操淑德

流播人口

薛氏西十里鋪生員冀廷章妻年二十二夫亡紡紉

治生志切從一順事翁姑尤足爲閨闈楷模

張氏石亭村王智臣妻夫歿時氏年二十八遺孤甫週晬親族勸之曰藐孤不足恃也曷再圖氏堅志不從鬻簪珥以葬夫辛勤十指撫孤成立每收穫必誡子早完夙逋訓婦守禮法不令干預門戶事曰我年老鄰里久相習汝毋得踰閨闈一步也鄰婦皆奉爲女宗

宗氏年十五歸東漸村民鄭大越三歲夫死翁姑憐其幼勸改適氏搶地曰吾己與夫訣而誓之奈何見奪乎茹荼嚼雪以奉姑嫜養生送死皆辛勤十

指中出也今守節四十年

王氏白堡社民楊士龍妻夫死無子家復貧鍼黹爲生事兩世翁姑皆得其歡心四十五年始終如一
張氏東義安民馮不興妻年二十七夫故家貧撫子成立現年六十二歲

王氏東吳泉民胡加職妻年十七夫亡子弱矢志靡他家日窘或勸之曰盍改適令母子俱全也氏怫然曰母子俱全孰若身名俱全乎後其子亦以病卒氏益勵冰操現年六十歲

郭氏東漸村民鄭瑞妻年十八夫亡立志守節事姑

孝教子嚴守節三十五年

冀氏姜各莊民郭福妻年二十四夫死姑老子弱紡績度日現年六十歲

張氏瓦宅社民李華妻年二十七夫亡苦節不渝現年六十七歲

孫氏南白堡村住民張瑗妻年二十夫亡一子隆緒教督不存姑息今子已列膠庠人皆謂氏有古列女風

章氏武生張擎妻年二十七夫亡遺孤錫命僅三月偕妾邢氏堅志守節錫命成人卽爲娶李氏生一

涑水縣志

卷七

閨節

三十一

子旋以病卒子亦繼天李氏亦矢志不渝章氏現年五十八邢氏現年五十七歲

王氏城西庠生楊士彥妻年二十三夫亡生子四歲矢志靡他以鍼黹度日撫子成立現年六十歲

李氏居士村張昺妻年二十三夫亡無子父兄憐其年少勸改適氏哭曰吾不死以夫嗣未立耳若手挈幼女膏沐以事他人甯死不願也乃以姪爾福承夫祧氏日夜教督人俱稱爲賢婦後爾福以拔貢謁選州判氏現年五十一歲

以上均乾隆舊志

龔氏王黃甫村王得興妻夫故氏二十九歲現年五

十九歲

祖氏東文山褚芳妻夫故氏二十三歲矢志守節奉侍翁姑夙夜匪懈子甫三齡教養兼盡道光四年

病歿守節十七年

冀氏長隄村許昌齡妻夫故氏十九歲守志不二現年六十五歲

呂氏從溪村汪作霖妻夫故氏二十一歲咸豐二年病歿守節十五年

盧氏趙各莊胡永立妻夫故氏二十七歲守節現年八十三歲

涑水縣志

卷七

閨節

三十二

盧氏南兵上村張玉潤妻夫故氏二十三歲立志守節現年五十二歲

陳氏黑兒口高玉璽妻夫故氏二十九歲守節現年六十五歲

許氏石鹿村張永貴妻夫故氏二十七歲光緒三年病歿守節二十二年

孫氏玉斗村趙永祥妻夫故氏三十歲守節現年五十二歲

高氏小峯口趙輝妻夫故氏二十八歲守節現年四十七歲

陳氏賈各莊監生隗元鐸妻夫故氏二十六歲守節
現年六十三歲

趙氏嶺東村武生陳佩和妻夫故氏二十七歲咸豐
四年病歿守節九年

景氏福山口許添林妻夫故氏二十七歲守節現年
五十八歲

許氏趙各莊劉洗妻夫故氏二十一歲守節現年四
十歲

楊氏屯旗方明慧妻夫故氏二十一歲無子又無近
支承嗣家極貧鍼紡爲生四十三歲病歿

涑水縣志

卷七

閨節

三十三

趙氏北關梁岑妻夫故氏二十六歲守節現年八十
四歲

李氏北關范錦妻夫故氏二十八歲守節現年七十
二歲

溫氏皇甫村王自明妻夫故氏十九歲咸豐六年病
歿守節四十六年

劉氏南司徒村白景瑞妻夫故氏二十五歲守節現
年五十八歲

許氏湯各莊景興義妻夫故氏二十八歲守節現年
五十一歲

白氏沈家庵村郭寬妻夫故氏十九歲守節現年七十五歲

李氏南郭下村張倬妻夫故氏二十三歲守節六十五歲卒

宗氏石圭村李占魁妻夫故氏二十六歲守節現年七十五歲

郭氏水東村旗人張平妻夫故氏二十一歲守節三十三歲卒

冀氏東長隄村旗人郭建禮妻夫故氏二十歲守節三十七歲而歿

涑水縣志

卷七

閨節

三十四

張氏西龍泉村成愷妻夫故氏二十八歲守節六十一歲卒

張氏赤土村王廷璧妻夫故氏二十九歲守節五十二歲卒

馮氏板城村崔得龍妻夫故氏二十二歲守節現年五十一歲

郭氏西龍泉村李鳳林妻夫故氏二十九歲守節現年五十九歲

王氏西租村閻秉祥妻夫故氏二十歲守節現年五十三歲

方氏上車亭村王汝畛妻夫故氏二十二歲守節現年五十三歲

張氏魏村李滿山繼室夫故氏二十六歲守節現年五十五歲

蘇氏魏村正紅旗人張好信妻夫故氏二十六歲守節現年五十四歲

張氏上車亭村王雲鶴妻夫故氏二十七歲守節現年五十四歲

郭氏陳家莊溫元亨妻夫故氏二十三歲守節現年九十一歲

涑水縣志

卷七

閨節

三十五

王氏陳家莊溫爾潤妻夫故氏二十一歲守節現年七十三歲

賀氏陳家莊溫壽椿妻夫故氏二十一歲守節現年五十五歲

趙氏水北村楊和妻夫故氏二十七歲守節八十二歲卒

李氏水北村王斌妻夫故氏二十四歲守節六十九歲卒

于氏水北村王士魁妻夫故氏二十七歲守節六十三歲卒

王氏赤土村何發亮繼室夫故氏十八歲守節現年七十六歲

高氏魏村李克慎妻夫故氏三十歲守節六十五歲卒

溫氏板城村劉正文妻夫故氏二十二歲守節五十一歲卒

劉氏水北村王泰妻夫故氏二十二歲守節現年七十四歲

朱氏南兵上村冀鵬騫妻夫故氏二十五歲守節現年六十八歲

涑水縣志

卷七

閨節

三十六

張氏董家莊黃有印妻夫故氏二十九歲守節八十歲卒

趙氏董家莊黃德潛妻夫故氏二十七歲守節七十一歲卒

余氏板城村劉作聖妻夫故氏十七歲守節九十歲卒

李氏南郭下村廩生張鉞元妻夫故氏二十七歲守節三十八歲卒

陳氏北郭下村附生趙余英妻夫故氏二十六歲守節八十四歲卒

夏氏北郭下村趙鑑妻夫故氏二十三歲守節七十歲卒

冀氏南郭下村聞銓妻夫故氏十九歲守節六十六歲卒

鍾氏南郭下村文童聞鍾彥妻夫故氏二十七歲守節六十八歲卒

岳氏西樂平村郭寶妻夫故氏二十三歲守節八十五歲卒

張氏西樂平村史維智妻夫故氏二十九歲守節現年七十歲

涑水縣志

卷七

閨節

三十七

郭氏西壘子村李克儉妻夫故氏二十歲守節八十五歲卒

康氏西壘子村李式昭妻夫故氏二十六歲守節八十四歲卒

郭氏檀山村趙蘚妻夫故氏二十歲守節現年五十五歲

賀氏北樂平村岳士美妻夫故氏二十五歲守節七十六歲卒

趙氏北樂平村岳聯星妻夫故氏二十三歲守節六十歲卒

許氏南瓦宅村張維新妻夫故氏二十歲守節現年五十五歲

丁氏檀山村張植妻夫故氏二十九歲守節現年八十三歲

孔氏南瓦宅村王國用妻夫故氏二十歲守節六十歲卒

呂氏本城王林成妻夫故氏二十七歲守節現年八十一歲

程氏本城徐秉信妻夫故氏二十六歲守節六十四歲卒

涑水縣志

卷七

閨節

三十八

牛氏木井村劉坊妻夫故氏二十四歲守節現年六十七歲

劉氏木井村楊有功妻夫故氏二十四歲守節現年五十四歲

章氏木井村旗人張疇妻夫故氏二十五歲守節現年六十三歲

張氏西十里鋪劉瑢妻夫故氏二十二歲守節六十歲卒

劉氏東壘子村宋之翰妻夫故氏二十歲守節六十歲卒

張氏劉家溝劉慎修妻夫故氏十九歲守節七十歲
卒

胡氏李家黃甫村李士俊妻夫故氏二十七歲守節
現年七十二歲

張氏中車亭村祖文德繼室夫故氏二十五歲守節
現年六十六歲

楊氏南王家莊杜華妻夫故氏二十二歲守節現年
七十三歲

賀氏水東村張維妻夫故氏二十三歲守節六十五
歲卒

涑水縣志

卷七

閨節

三十九

李氏北郭下村監生趙熾妻夫故氏二十八歲守節
八十一歲卒

張氏董家莊文童黃成鑑妻夫故氏二十七歲守節
六十一歲卒

段氏東義安村段文秀之女南關夏國定妻夫死氏
年甫二十二無子繼胞姪爲嗣孝事翁姑喪葬盡

禮尤周卹鄰里緩急相通焉現年五十三歲

李氏石圭村李溶女士莊郭存仁妻年二十四而寡
無子撫螟蛉子如已出家赤貧身任井臼之勞不
改其志現年八十三歲

譚氏趙曾樨妻于歸後未期年夫歿氏絕粒不食戚族勸之不聽嘔血而死年二十歲

蘧氏北郭下村儒童趙鈺妻于歸十閱月鈺遭疾藥罔效氏割臂肉調麵茶以進無知者鈺旋歿氏誓以身殉彌留之際叔母陳氏始知之百端勸慰卒從夫而死

王氏宛平人年三十爲南王家莊武庠生張鈞筵室生子女各一同治七年五月夫病歿氏卽於是夕投井以殉出屍面如生平日事翁姑以孝聞尤精女紅

章氏辛莊頭村民張榮聘妻道光八年榮死氏年甫十四聞凶耗欲往守節父母堅不許議改聘氏以死拒閱數年榮之祖母歿氏往奔喪遂拜孀姑而守義焉前令張士銓爲作傳

張氏文生羅樹基妻年十七于歸事翁姑以孝閱三載夫歿夫兄弟五亦相繼逝時氏子恆吉方襁褓家貧氏仰事俯畜備嘗艱苦教子成名與妯娌輩同守志節後氏病且危其仲嫂焚香祝天願以身代疾卒不起氏戚劉宗向孝廉嘗作詩曰呼天禱病兒孫有代死焚香妯娌無試看羅門諸節婦義

聲不愧古賢姝現已請 旌入祠

張氏監生高熾繼室年二十九夫死無子撫育胞姪
艱苦度日清節終身

史氏文童郭雲鴻妻年二十夫死守節現年四十九歲
任氏歲貢趙鈺繼室年二十七夫死守節現年六十四歲

郭氏張安妻 年分失考

劉古氏 失考

甄張氏 失考

陳單氏 失考

附孝女

涑水縣志

卷七

閩節

四十一

國朝

趙孝女邑民趙正學女母病百藥罔效女虔禱祖先
割股和羹以進病隨愈

李氏邑民冀永正妻事翁姑以孝乾隆三年翁年七
十餘染寒症迷亂將絕氏暗割臂肉作餡以奉之
食數枚神清而愈翁與夫俱不知也三日後媻姑
見其神色狼狽怪問之始知其故族屬鄰媪咸往
觀流涕

流寓

汪養純字伯善宛平人康熙庚辰進士山河南陽武

令遷江南常州府同知以疾致仕僑寓涑陽恤孤寡濟困危施粥捐棺設渡造橋爭以身先康熙五十五年春旱斗米銀五錢純盡出所儲減價平糶涑民深德之五十九年以前令甘汝來鴉虎案株連議革雍正元年京兆舉鄉飲大賓純青衣往履親王問故具述所由

王爲

奏請復職盛德感人晚年卒蒙殊遇昭雪其後嗣俱爲

邑名諸生

王繼葛字天民號覃谷浙江山陰人涑水縣典史王

涑水縣志

卷七

流寓

四十二

繼華之胞弟乾隆時由監生任東城兵馬司吏目明爽練達弭盜捕奸不遺餘力以搜獲拐案三十餘起功陞銓山東夏津縣知縣調魚臺縣值黃水爲災繼葛仰承恩旨賑卹窮黎不違甯處合邑懽呼尤敦內行伯叔季兄散居他省者迎聚署中捐資修葺宗祠祭田重修舊譜有四時讀書樂歌並管東溟先生格言等字帖梓行於世偕兄繼華寄居涑之張翠台村

附仙釋

劉守元涑陽人生而好道出家於洪崖山壽陽觀禮

無和道人爲師號曰了真年八十端坐而逝

按以事定人以人定門凡志人物次第鱗列焉山陬小邑不必盡有是人卽不必盡有是門也舊志人物各立小傳當矣後忽插分忠孝義行兩門而劉廷訓旣列人物又人忠孝一人再見不已複乎門旣難分分復不確徒開摘議無謂也今以實行統之有本傳者但紀名銜其傳則入藝文詳畧各當而以扱衽饋節之柔脆毅然持從一而終之義實與忠臣烈士同矢孤貞其剔腸鎡肺抑又甚焉予之專門則中輟重於鬚眉矣若流寓擇地尋勝共賢而託於此者與方

涑水縣志

卷七

仙釋

四十三

外附之耳目中有何神怪所以盡人類也此次人物之意也

乾隆舊志

涑水縣志卷七終

